



Theses de interdicto vti possidetis,

<https://hdl.handle.net/1874/428356>

4c
5
Theses

DE INTERDICTO
VTI POSSIDETIS,

Quas

D. F. N.

PRAESIDE PRAE-
CLARISSIMO CONSULTISSI-
MOQUE VIRO, DOMINO MATTHEO
Entzolino, I. V. D. LL. Professore ordinario, ac stu-
dij Iuris Decano spectatissimo, præceptore suo ho-
norando, 4. Nouemb. publicè de-
fendendo tuebi-
tur

BARTHOLOMAEVS KELLEN-
bentz Süßensis.



T V B I N G A E,
Apud Georgium Gruppenbachium.
ANNO 1586.

Theles

D E F U T E R D I C T O
V T I F O S S I D E T I S

Qua

D. F. N.

P R A E S I D E P R A E

C L A R I S S I M O C O N S U L T I S S I M O
M O R T V I R O D O M I N O M A T T H A E O
F O R S T E R O L V D J L L P r o f e s s o r e o r d i n a r i o a c t i u
d i l i n g e n t i s s i m o p r a e c e p t o r e l i n o h o
n o r a n d o a N o v e m b r i p u b l i c e d e
f e b r u a r i o t u c h i
m

B A T H O R O M A N N S K E L L E R
h e n r i c h a u g u s t



T R I N G E

h e n r i c h a u g u s t

M A N N

3.
THESES DE INTER-
DICTO VTI POSSI-
detis.

PARVM QVONIAM NOBIS,
legum beneficia, rerum acquisitioni suffragan-
tia, proficerent, earum sinobis denegarent re-
tentionem. Ut igitur & has pacifice possidere,
ijsq; liberè vti possimus, Prætor interd. Etum
hoc vti possidetis prodidit: eo nobis contra ini-
quas aliorum turbationes succurrens.

I.

Est autem vti possidetis interd. Etum prohibitorium, retinen-
da possessionis, rerum immobilium, possessoribus competens, ad-
uersus iniquè in earum possessione eos turbantes, vt à turbatione
desistant, & de in posterum non amplius turbando caueant, ac
interesse etiam præteritæ molestationis præstent.

II.

Idq; duplex est: Intentari enim aliquando solet, cum ambo
litigantes se possidere contendunt, vt sciatur, quis actoris partes
in petitorio sustinere debeat: Aliquando verò, ne quis iniquis alio-
rum turbationibus inquietetur, sed vt liberè in possessione rerum
suarum versari, ijsq; vti possit.

III.

DIRECTVM omnibus ijs cõceditur, qui rem immobilem
ab aduersario non vti, non clam, non precario possident.

IV.

Vnde nihil refert, etiam si à cæteris, quàm aduersario, rem
vitiosè possidere cæperint.

V.

Præterea & ei quoq; cuius res ex iudicis auctoritate, Sequestro
commisæ sunt, cõcedi solet.

4.

VI.

Creditor etiam ex conuentione, item ob executionem rei iudicatae, etiam in personali, & ex primo decreto, pignus possidens, hoc interdictum rectè intendit.

VII.

In possessionem verò, ob contumaciam ex prætoris edicto non cauentium, iudiciali item citationi non obtemperantium, etiam in reali & hypothecaria, ex primo decreto missis, denegatur.

VIII.

Cæterùm fructuarius, vasallus item, & Emphyteuta, num directum hoc interdictum habeant, controuerti solet? Et non habere rectiùs existimamus.

IX.

Nec quicquam refert, dominus ipse, siue alius eius nomine possessionem tenens, impediatur.

X.

Vnde si colonus turbetur, dominus id efficaciter intendit.

XI.

Heres verò, antequam apprehendat possessionem, (præterquam damnorum nomine) eo vti nequit.

XII.

Vcili hoc interdicto omnes ij, qui in q. possessione iuris alicuius, puta iurisdictionis, non antiquæ solùm, sed de nouo etiam concessæ, iuris item venandi, & aliorum, impediuntur, (si peculiari remedio eis prospectum non sit) rectè experiuntur.

XIII.

DATUR autem aduersus omnes, qui rerum immobilium possessori, iniquis turbationibus molesti sunt.

XIIII.

Turbatio verò tunc demum huic interdicto locum facit, quando per eam talis exercetur vel prohibetur actus, ex quo possessio-
Nihil
nis resultat probatio.

5.

XV.

Nihil quoque refert, per se quis, vel per alium inquietet.

XVI.

Nam & mandans & mandatarius, qui facti iniquitatis non fuit ignarus, aequaliter tenentur: Alter tamen, praestando lucis aestimationem, alterum liberat.

XVII.

In heredem vero, nisi & ipse possessori obstiterit (praeterquam damnorum à defuncto illatorum nomine) concedi non solet.

XVIII.

An autem petitoriū cum hoc possessorio cumulari possit, ambigitur? & si simplex tenuta per petitoriū exigatur, id posse asserimus.

XIX.

Quòd si etiam dolus aduersarij arguatur, non ciuilitèr solùm, sed & criminaliter agi potest, ita ut earum cumulatio actionum admittatur.

XX.

Agi autem regulariter potest, & coram iudice loci, in quo res sita est, & coram iudice turbationis, in cuius territorio vis commissa est.

XXI.

Quòd si laicus, in possessione vel q. iuris, vel rei spiritualis, turbet clericum, iurisdictionem clerici declinare nequit.

XXII.

VT autem actor in hoc iudicio obtineat, duo ei probanda incumbunt: possessio videlicet, & turbatio.

XXIII.

Et si autem possessio eius, aduersarij respectu, vitio carere debet: istud tamen docere non cogitur.

XXIIII.

Vnde probatione tituli onerari nequit.

XXV.

Sufficit enim, si reus possessionem suam non probauerit, per actus aliquos possessorios, culturam videlicet, refectionem item, &c. ostendere, se turbationis tempore possedisse.

XXVI.

Nec deniq, possessionis qualicet, ut & turbationis, locum item vel diem, nisi aduersarij interfir, allegare necesse habet.

XXVII.

Reus verò, excipiendo offerens sese ad dominij probationem, num admittendus sit, queritur? Et non admittendum c. ncludimus.

XXVIII.

Spoliationis tamen exceptionem, altiore qua non requirit indaginem, tam ante, quam post litem contestatam, obijciere non prohibetur.

XXIX.

PORRO si reus recoueniat actorè possessorio recuperanda: statim atq, intentionem suam probauit, sententia ferenda, & actor à iudicij limine repellendus est.

XXX.

Vnde sententia in hoc iudicio lata, non parit exceptionem rei iudicatae, in possessorio recuperanda.

XXXI.

Regulariter autem in hoc iudicio sententiam is obtinet, qui de antiquiore & continuata possessione accuratius probauit.

XXXII.

Cum verò probationes tam ratione tituli, quam possessionis sunt pares, quid pronuntiandum sit variè inter D d. concertatum est? Nos istud, cum ob rerum ac circumstantiarum varietatem, certi quid definiri nequeat, arbitrio ac discretioni iudicis superioris, committimus.

Minori deniq̄, si ex sententia, in hoc inter dicto lata, ledatur, restitutionis beneficio prospectum est.

Coroll. I.

INTER personas immediatè imperio subiectas, si noui iuris quarendi gratia, pignora capiantur, in Camera imperiali, mandata sine clausula vnà cum annexa citatione, ex saluberrima constitutione perutiliter, decerni solent, vt pignorator statim res ablatas restituat, & ius suum, si quod pignorandi habuit, in termino præfixo, sub pœna perpetui silentij, deducat.

II.

Nec vlla exceptionis gratia eiusmodi mandata, præterquam sub & obreptionis ex defectu iurisdictionis, & ex delecto, &c. recipiuntur.

F I N I S.

17 34 088

00N 68509664

INDEX

... ..

Coroll. I.

... ..

II.

... ..

F I N I S